





Na osnovu člana 70. Zakona o organizaciji uprave u Federaciji Bosne i Hercegovine („Službene novine F BiH“, br.35/05), člana 18. stav (1) Zakona o javnim nabavkama („Sl. glasnik BiH“, broj 39/14), a u vezi sa članom 4. Pravilnika o postupku direktnog sporazuma („Službeni glasnik BiH“, broj 90/14) te Pravilnika o postupku direktnog sporazuma Ministarstva privrede Unsko-sanskog kantona broj:06-05-6285-1/2015 od 16.06.2015.godine ministrica Ministarstva privrede Unsko-sanskog kantona, d o n o s i:

## **O D L U K U**

### **o pokretanju postupka javne nabavke**

#### **Član 1.**

Pokreće se postupak javne nabavke usluga najma konferencijske sale u svrhu održavanja prvog radnog sastanka Radne grupe za izradu nacрта Zakona o koncesijama u Sarajevu za period od 04.08. do 06.08.2021. godine. Procijenjena vrijednost javne nabavke bez PDV-a iznosi 900,00KM (slovima: devetstotina i 00/100 konvertibilnihmaraka).

#### **Član 2.**

Sredstva za nabavku usluga iz člana 1. ove Odluke obezbjeđena su u Budžetu Unsko-sanskog kantona za 2021. godinu za Ministarstvo privrede na razdjelu 15, glava 01, potrošačka jedinica 0001, funkcionalni kod 0490, izvor 10, ekonomski kod 613 900 – Ugovorene usluge – JPP, subanalitika FAK002.

#### **Član 3.**

Postupak javne nabavke će se provesti putem direktnog sporazuma, u skladu sa Zakonom o javnim nabavkama („Sl. glasnik BiH“, broj 39/14), Pravilnikom o postupku direktnog sporazuma („Službeni glasnik BiH“, broj 90/14) i Pravilnikom o postupku direktnog sporazuma Ministarstva privrede Unsko-sanskog kantona broj: 06-05-6285-1/2015 od 16.06.2015. godine.

#### **Član 4.**

Ova Odluka stupa na snagu danom donošenja.

### **Obrazloženje**

U postupku je utvrđeno da je isti osnovan i da sadrži sve potrebne elemente za odlučivanje.

Skupština Unsko-sanskog kantona na sjednici održanoj dana 17.12.2020. godine donijela je Program rada Skupštine Unsko-sanskog kantona za 2021. godinu koji je objavljen u Službenom glasniku USK broj: 1/21 od 8. januara 2021. godine. U normativnom djelu

Programa koji se odnosi na Ministarstvo privrede predviđeno je donošenje Zakona o koncesijama.

Rješenjem broj 03-017-3134/2021 od 10.06.2021. godine imenovana je Radna grupa za izradu nacрта Zakona o koncesijama kojoj je definisan rok realizacije zadatka od 3 mjeseca.

Razlog za donošenje novog Zakona o koncesijama, ogleda se prije svega u potrebi provedbe Programa rada Skupštine za 2021. godinu, potom usklađivanju važećeg Zakona o koncesijama sa Zakonom o javno – privatnom partnerstvu koji je usvojen na 9. sjednici Skupštine USK dana 28.05.2020. godine i objavljen u Službenom glasnik USK, broj : 15/20, Zakonom o turizmu koji je usvojen na 13. sjednici Skupštine USK dana 21.09.2020. godine i objavljen u Službenom glasnik USK, broj: 25/20, te naposljetku zbog potrebe usklađivanja odredbi Zakona sa problemimam u praksi sa kojima se susreće prilikom primjene Zakona.

Osim toga, kako je neophodno novi Zakon o koncesijama usaglasiti sa relevantnim okvirom Europske Unije, ključnim zakonima BiH (npr. Zakon o javnim nabavkama), ključnim zakonima u FBiH (npr. Zakon o privrednim društvima, Zakon o principima lokalne samouprave, i sl.) na pripremi novog Zakona o koncesijama Unsko-sanskog kantona je angažovana je stručna podrška radnoj grupi Vlade USK na analizi postojeće prakse i zakonskog okvira za koncesije od strane konsultanta.

Kako bi se realizovao prvi zajednički radni sastanak Radne grupe neophodno je osigurati prethodno navedeno odnosno obezbijediti konferencijsku salu.

Obzirom na visinu procijenje vrijednosti nabavke ugovorni organ će tražiti pisani prijedlog ponude, te će se sporazum smatrati zaključenim dostavljanjem računa koji će biti prihvaćen u skladu sa pozitivnim zakonskim propisima.

Pri donošenju Odluke, Ministrica se posebno rukovodila činjenicom da je predložena nabavka planirana Planom javnih nabavki za 2021. godinu, u dijelu Usluge pod rednim brojem 4. šifra JRJN 79990000-0–Razne usluge vezane za poslovanje, da je realno procijenjena njena vrijednost na tržištu, da su osigurana sredstva za isplatu i predložena odgovarajuća vrsta postupka.

Na osnovu utvrđenog činjeničnog stanja, odlučeno je kao u članu 1. ove Odluke.



Broj:06-45-7957-1/2021  
Bihać, 26.07.2021.godine